

Sakspapir

Sakshandsamar	Arkiv	ArkivsakID
Maud Sleire Holmaas	FA-U63	23/60

Saknr	Utval	Type	Dato
010/2023	Formannskapet	PS	02.02.2023
	Kommunestyret	PS	

Søknad om servering- og skjenkeløyve

Vedlegg:

Journalposttittel

Serverings- og/eller skjenkebevilling
Sandneskafeen

Dato

18.01.2023
23.01.2023

Rådmannen sitt framlegg til vedtak:

1. Åsmund Kvinge får serverings- og skjenkeløyve ved Sandneskafeen, Austfjordvegen 2728, 5981 Masfjordnes.
2. Skjenking av alkoholhaldig drikke gjeld:
 - Alkoholgruppe 1, øl, cider og rusbrus med alkoholinnhold opp til 4,7 %
 - Alkoholgruppe 2, øl, vin og brennevin med alkoholstyrke mellom 4,7 % og 22 %
3. Styrar for skjenkeløyvet: Åsmund Kvinge
 - Avløysar for styrar: Berit Lygre
4. Skjenkeareal: Skjenkeløyvet gjeld i innomhus i kafédelen av Austfjordvegen 2728. Det kan vere uteservering i utedelen av kaféen, frå og med 01.05 til og med 01.09.
5. Skjenketider: kl. 13.00 – 02.00
6. Det er eit vilkår for skjenkeløyvet at det ved skjenkestaden også er eit allsidig mattilbod.
7. Skjenkeløyvet gjeld frå og med 17.02.2023 til og med 31.03.2024
8. Serveringsløyvet er ikkje tidsavgrensa for denne eigaren og denne lokaliteten.

Saksopplysningar:

Bakgrunn

Åsmund Kvinge søker i brev datert 17.01.23 om serverings- og skjenkeløyve i leigde serveringslokale

på Masfjordnes i Sandneskafeen, adresse Austfjordvegen 2728, 5981 Masfjordnes.

Uttale

Søknaden om serveringsløyve og skjenkeløyve er sendt til Politiet i Nordhordland for uttale. Sosialtenesta v/NAV Fensfjorden er beden om å uttale seg til søknaden om skjenkeløyve.

Politiet har i brev datert 24.01.23 ikkje merknader til at det vert gjeve serverings- og skjenkeløyve. Sosialtenesta ved NAV Fensfjorden har i brev datert 25.01.23 ikkje merknader til at det vert gjeve skjenkeløyve.

Fakta

Åsmund Kvinge har sendt inn søknad om serverings- og skjenkeløyve i lokala til Sandneskafeen på Masfjordnes. Det har vore kafédrift med skjenkeløyve i lokala i dei siste 15 -20 åra. Berit Lygre som har drive i lokala i fleire år, har ved nyttår vald å gje seg og lokalet står no tomt.

Vurdering

Åsmund Kvinge skriv i vedlegg til søknad om skjenkeløyve datert 17.01.23 at han ser på det som svært uheldig at bygda mister denne samlingsplassen og ynskjer å gjere det han kan for å oppretthalde eit visst tilbod.

Det som er tenkt er eit samarbeidsprosjekt mellom Sandnes Vel og Åsmund Kvinge, der Sandnes Vel utpeikar han som dagleg leiar for drifta. Det er viktig å presisere at han som privatperson ikkje skal ha noko som helst økonomisk utbyte av eit slikt kafe-prosjekt, alt av mogleg økonomisk overskot vil gå tilbake til Sandnes Vel som igjen kan bruke på eventuell investeringar i kafedrift eller anna.

I første omgang ser han for seg arrangement av ulike slag i helgene, i tillegg til dei «faste» etablerte arrangementa som til dømes seniorsamlingar og liknande. Kafeen vil få ein musikkprofil, og det vil bli fokus på konsertar av ulike slag og eit mogleg samarbeid med sommarscena i kommunen.

Søknad om serveringsløyve skal vurderast etter reglane i Serveringslova. Lova seier at alle som vil drive næring av serveringsverksemd må ha løyve frå kommunen, og at løyve skal gjevast dersom visse krav er oppfylt. Desse krava er:

- verksemda skal ha ein dagleg leiar som har dokumentert kunnskap om drift av slik verksemd gjennom ein etablerarprøve
- dei som er involvert på eigar- og drivarsida skal ikkje ha gjort noko klandreverdige etter straffelova, skatte- og avgiftslov, rekneskapslovverket og likestillings- og diskrimineringslova.

Åsmund Kvinge har gjennomført kunnskapsprøven i alkohollova for skjenking. Han har vore avløyssar for Berit Lygre i den tida ho har drive kaféen. Han har meldt seg opp til etablerarprøven og den skal etter planen gjennomførast 09.02.23.

Skjenkestaden er ikkje i nærområde for barn og ungdom, slik dei no er definert i Alkoholpolitisk plan. Her står det at : «Opphaldstader og nærområder for born og unge er definert som samlingsstader som vert brukt til lek, aktivitetar i skule og/eller fritid.» Sandneskaffen er lokalisert i eine delen av eit kommunalt hus like ved kommunehuset, resten av huset vert nytta som base og kontor for Heimetenesta Sør. Skjenking vil i hovudsak gå føre seg i helger.

Prinsippet om likebehandling av skjenkesøknader skal stå sterkt, det same gjeld behovet for

harmonisering av dei lokale skjenkevilkåra. Det skal gode grunnar for å ha vesentleg ulike opningstider mellom skjenkestadene eller aldersgrense for nokon men ikkje for andre. Dei som søker løyve får difor som hovudregel løyve innanfor dei sjenketidene som er skissert i Alkoholpolitisk plan. I alkoholpolitisk handlingsplan pkt. 5.1 er rammene for skjenkeløyve no sett til kl. 13.00 – 02.00 for alkoholgruppe 1 og 2, og frå kl. 17.00 – kl. 02.00 for alkoholgruppe 3. Dette gjeld no likt for alle skjenkestader.

Alle skjenkestadene er i større eller mindre grad ein del av det totale reiselivsproduksjonen i kommunen, sjå også pkt. 6 i alkoholpolitisk handlingsplan. Etablerte skjenkestader har også i denne løyveperioden utvida løyve i samband med lukka einskildarrangement eller såkalla slutta lag.

Konklusjon

Det vert tilrådd at Åsmund Kvinge får serverings- og skjenkeløyve i lokala til Sandneskafeen.

Formannskapet - 010/2023

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

1. Åsmund Kvinge får serverings- og skjenkeløyve ved Sandneskafeen, Austfjordvegen 2728, 5981 Masfjordnes.
2. Skjenking av alkoholhaldig drikke gjeld:

-Alkoholgruppe 1, øl, cider og rusbrus med alkoholinnhold opp til 4,7 %

-Alkoholgruppe 2, øl, vin og brennevin med alkoholstyrke mellom 4,7 % og 22 %

3. Styrar for skjenkeløyvet: Åsmund Kvinge

Avløysar for styrar: Berit Lygre

4. Skjenkeareal: Skjenkeløyvet gjeld i innomhus i kafédelen av Austfjordvegen 2728. Det kan vere uteservering i utedelen av kaféen, frå og med 01.05 til og med 01.09.
5. Skjenketider: kl. 13.00 – 02.00
6. Det er eit vilkår for skjenkeløyvet at det ved skjenkestaden også er eit allsidig mattilbod.
7. Skjenkeløyvet gjeld frå og med 17.02.2023 til og med 31.03.2024
8. Serveringsløyvet er ikkje tidsavgrensa for denne eigaren og denne lokaliteten.